

Sarkina Bt Mat Saad @ Shaari

From: Unit Komunikasi Korporat
Sent: Tuesday, July 17, 2018 3:16 PM
To: UUM - All Staff; UUM - All Students
Subject: Keprihatinan Tadbir Urus Zakat Terhadap OKU



Unit Komunikasi Korporat
CORPORATE COMMUNICATION UNIT
Universiti Utara Malaysia

17 JULAI 2018 / 4 ZULKAEDAH 1439H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Abdul Halim Husain

KEPRIHATINAN TADBIR URUS ZAKAT TERHADAP OKU



UUM ONLINE: Kebanyakan institusi zakat tidak menyebut dengan jelas mengenai kedudukan Orang Kelainan Upaya (OKU) dalam agihan zakat justeru seksyen khusus kepada OKU dalam setiap bahagian asnaf zakat perlu diwujudkan dan mereka perlu diberi zakat walaupun telah menerima bantuan Jabatan Kebajikan Masyarakat.

"Mereka fakir, miskin dan OKU kesusahan berganda, walaupun kita bantu, mereka tetap tidak boleh bergerak sendiri seterusnya akan mewarisi kemiskinan kepada anak-anak memandangkan mereka tidak mampu bekerja seperti orang normal yang lain."

Itu antara yang dibincangkan oleh ketua penyelidik, Prof. Dr Shukri Ahmad pada Siri Perkongsian dan Wacana Ilmu: Kedudukan OKU Dalam Pengurusan Zakat Negeri Kedah di NCRC UUM, semalam.

Menurutnya, Pertubuhan kesihatan sedunia (WHO) mentakrifkan OKU sebagai orang kelainan upaya seperti mempunyai kecacatan fizikal atau mental, jangka panjang atau berulang-ulang sebahagian besarnya menghadkan prospek mereka untuk masuk ke dalam bidang pekerjaan.

Katanya, individu OKU sangat memerlukan perkhidmatan istimewa bagi membolehkan mereka hidup berdikari dalam komuniti.

“Institusi zakat merupakan pihak yang bertanggungjawab untuk membantu golongan miskin terutamanya OKU.

“Oleh itu, menjadi peranan Institusi Zakat Negeri Kedah menyebut dengan lebih jelas agihan zakat atau pembahagian zakat lebih spesifik kepada golongan OKU tersebut,” ucapnya.

Jelasnya, kajian ini dijalankan untuk meneliti kedudukan OKU dalam pengurusan zakat negeri Kedah, kenal pasti bentuk agihan zakat dalam kalangan OKU dan meneliti tahap penerimaan zakat dalam kalangan OKU di negeri Kedah.

“Jadi hasil kajian yang dijalankan, penyelidik mencadangkan supaya mewujudkan seksyen khusus kepada OKU dalam setiap bahagian asnaf zakat, tawarkan jenis bantuan khusus, melancarkan kad khusus oku, sediakan pekerjaan khas, sediakan akses kemudahan dan dana khas pendidikan.

“Selain itu beri bantuan yang sesuai, kedai mesra OKU, menambah bantuan asas, penglibatan OKU dengan sekolah melalui jabatan zakat dan kad khas bantuan zakat oku,” ucapnya.

Tambahnya, kajian ini meningkatkan tahap pemahaman mengenai pengurusan zakat OKU, memberi kefahaman mengenai apa yang boleh dituntut OKU dan Memperkukuhkan hasil penyelidikan melalui maklum balas yang diterima daripada peserta wacana.

“Kesimpulannya, kajian mendapati tidak ada peruntukan tertentu kepada OKU dalam agihan asnaf dan golongan ini perlu dimasukkan dalam senarai asnaf yang tidak bertentangan dengan peraturan dan agama,” luahnya.

Pengarah NCRC, Prof.Dr. Rohana Yusof berkata, Siri perkongsian dan wacana ilmu anjuran Northern Corridor Research Centre (NCRC) merupakan medium hebahan hasil maklumat penyelidikan berlandaskan bidang tujahan NCRC yang dijalankan oleh penyelidik UUM.

Usaha ini akan diteruskan dengan hasil hasil kajian lain yang diuruskan oleh NCRC untuk memastikan hasil kajian memberi impak dan dapat dikongsi bersama.

Kajian ini hasil geran penyelidikan yang dibiayai Yayasan Pembangunan Ekonomi Islam Malaysia (YaPEIM) dibarisi penyelidik NCRC Prof. Dr. Shukri Ahmad, Prof.Madya Dr. Kamarudin Ahmad, Dr. Mohd Akram Dahaman, Dr. Solahuddin Abd Hamid dan Dr. Rafidah Mohamad Cusairi.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
04-928 3048/3049/3052/3061
04-928 3053
ukkuum@uum.edu.my
Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.